



明詩正聲卷之八

五言古詩八

廣陵

盧純學

江一夔

校閱

選輯

蘇定公

桑紹良

感興

少年工辭賦操觚若風雨待詔金馬門托志青
雲府居諸那相待白髮忽成縷結綬走中條山
深無伴侶豈惟避獮狽抑且畏豺虎粃粃憂以
忱裸體坐棘楚回想故鄉曲阡陌俱樂土安能

釋此去月耕詠梁父

過烏利巖尋烏利仙修煉故蹟

青谿千餘仞窳窳絕塵鞅寒泉自灑落雲竇明
虛敞中有烏利仙餐霞資煉養道成凌丹梯故
蹟留莽蒼伊余樂沉冥訪古驚竒賞駕言物外
遊杖策展獨往羝化無餘蹤白石徒偃仰巖陰
蘚苔蝕竒草和烟長理妙誰能詮劫變事成曩
風吹松栢鳴日落山嶮嶮金光竟淪滅精魂蕩

遐想何當躡雲螭長嘯謝塵網

奉贈董潯陽先生

青青杜蘅艸汨汨河水湄結根孤且遐微芳徒
爾為美人幸採拾移栽傍華池春風時披拂弱
葉敷葳蕤雖無桃李顏仰希幽蘭姿謬蒙顧眄
惠媿無馨香貽所願充佩幃出入承光儀孤芳
豈足惜聊以酬君知

鄭二巖四陳五集龍一園池

蓮對酌

春光信流邁冉冉朱明移閉戶理殘痾庭堦稀
履綦邑中富英傑慷慨同襟期招携及茲晨賞
心聊共持駢筵蔭茂樹坐石臨方池清飈度脩
竹窈窕芙蓉披綠荷製竒服碧筒間金卮浮淵
鱠游鱗嘉蔬煮園葵主稱會面難賓歌久別離
忘形迭倡和痛飲寧復辭流雲入枉渚微雨生
漣漪暗香左右至坐客情俱怡偃仰無俗討佳
會良在茲酒酣視天地齷齪令心悲

九日同諸賢西湖游眺

遠山媚晴旭平湖澹不流覽物戀竒賞睇景惜
良遊屬當重陽晨爽氣澄高秋思追落帽歡言
慰羈旅愁朋遊方繾綣壺觴足獻酬逍遙蕩蘭
槳沿洄歷芳洲晶晶雲渚映蒼蒼烟嶼浮迴舟
傍長堤弭棹臨孤丘跡陳萬木荒鶴去空亭留
懷徃情不淺惜別意彌稠眷茲良讌會何年復
綢繆聚散感在斯豈獨悲前修願言保貞素岐
路良悠悠

宋登春

明言上卷
卷之八
三
曉發長平言懷

流目古戰場白日驚飈馳蟪蛄掛虛牖寒瓜蔓
枯籬玄暉傷白露青莎被華池佳人理紈素行
子心傷悲童僕嚴晨駕言涉丹水湄羈旅寡良
儔麗澤當誰依豈為黃雀吟還歌猛虎詞利劔
恒在腕壯心安所期流景不可駐沉嘆將何為欲
學騰化術赤松久吾欺人生貴適志知命復何疑

江一夔

初夏

初夏薰風吹新篁鬱陰森空谷積深翠古壁涵
清音結廬托其下鑿池幽且深悠然斷塵想玄
契申高吟西京盛冠蓋赤日相追尋日落不解
帶揮汗仍捉襟何如岩栖子逍遙叢桂林

湯顯祖

東平主人園中

淹留無滯情端居有遙寄凍飲坐消暉纖襟出
延吹宛宛曲閨通英英沿圃植問果時窺葉甄
蔬稍援穗青華猶被隴朱實已盈器南人善澆

明詩上卷 卷之八
注北叟忘機利坐仰密雲際直望靈膏墜恢恢
九夏道晻晻三秋至我行豈不永葡萄兩抽翠
丘園何足論一身已如質倏見漢陰人空傷仲
長志

送汪仲蔚行藥匡山

長陵紛慶紫日至候神皋祠官方肅霽文物被
蘇昭如何侍清列不見子風韶入門問所蓄告
我以歸遙陳力自多闕勉身非告勞被病北風
裡愁人清氣高循形動孤往東帶自盈朝糧藥

倘粗立山川殊可謠棲領香爐雲同波江海潮
方深子牟嘆非欣園綺超寂歷有寤語栖遲成
久要出自漢西門南望石城橋歷歷芳梅萼猗
猗嘉樹條雖無玄朔姿庶以南國標何為來水
裔倏忽在山楸終知及遲暮聊用永今朝勉爾
山中人當知余寂寥

張獻翼

七月十九日夜經錫山言懷

出門秋未素已覺朱明移紅亭有芳樹長條尚

華滋蟋蟀響中庭
菡萏空綠池攀折
忽已晚音聲何其悲
商飈起平楚清雲垂
路岐明河既已沒
殘月揚容輝光景
日夜促寄覽當及時
客行豈不樂適意隨
所之

張燕翼

贈劉中丞

明珠媚重淵華壁耀玄璞
乃知希代珍居然在岩谷
輕雷有時驚潛虬詎終伏
中丞應帝命乘輶出林麓
廿載吐蘭言遐芳襲芬馥
今來撫江右藩屏慰涼燠
霆令不知繁霜威已云肅
願言戟門春逍遙報推轂

胡應麟

擬古

冉冉歲云暮念君遠別離
浮雲蔽原野四顧白日馳
夙昔幸同衾懽愛誓不移
如何百年好去我忽若遺
嚴風起天末霜雪盈路岐
晨起踐關山薄暮長抱饑
音徽日夜隔會合當何時
恨無晨風翼並起東南飛

其二

迴風吹轉蓬倏忽行萬里遊山懷山川驅車暮
不止荒郊四無人日入斷行旅熊羆向我啼僮
僕為我侶南望見故鄉失路空徙倚眷彼平生
親氣結不能語

詠史

虞卿本說客著書自窮愁馬遷下蠶室史筆垂
千秋楚澤放靈均漆園餓莊周伊人一何否舉
足罹愆尤文章寔大業寧與富貴謀我我金張

第七葉開王侯一朝隨物化榮耀同蜉蝣

王叔承

秋日雜詩和葉茂長

清飈振踈薄木葉颯已丹雜卉逾春華秋容粲
且繁生平快游覽山色如可餐日暮蕩輕舟目
戀孤飛翰長烟帶隴際鮮霞吐林端銜杯攬秋
衣爽氣生微寒五湖浩堪即生理聊漁竿如何
傷秋者方嗟行路難

其二

天寒百鳥靜蟋蟀鳴牀頭芳菲旦暮改覽故多
墳丘大塊不自保萬物誰得留柰何榮華子楚
楚矜蜉蝣泠泠山下竹汎汎江上鷗此中苟有
會外物焉足謀薄藝損性靈虛名增道羞所得
曾幾何無為皇古尤天機顯凋謝悟理當素秋
縱步恍遺蛻灑然懷莊周

泛湖登南屏山絕頂

新霽山態嬌湖波蕩空青游思堪可掇鮮藻浮
相澄日華漾文漪細寫玻璃明歌聲帶酒氣吳
鉤揚越舠泠泠桂花馥艷艷芙蓉英蘋蓼紛靄
靄鷗鳧亂星星呼魚買碧魴尋僧覓蒼精高寺
佛為國長峰仙作屏眺遠得竒石登危倚枯藤
杯分晚湖綠席映寒江清古松龍欲化斷壁天
垂崩情高理亦暢趣適心自平仰耽人外境俯
慨烟中城去就苦不逮草草終浮生

王穉登

古意

佳人幽谷中盈盈冰雪肌面若芙蓉花山作青

蛾眉不能學歌舞但解治泉絲宋玉在東鄰三
年不得窺三十未嫁人空閨苦寒饑如雲東門
女笙等手中吹紅妝騎馬出相隨輕薄兒一笑
不可得千金安足竒嗚呼王化衰古風日以漓
不寶松栢心但貴桃李姿

其二

桓桓班生志矯矯龍虎姿朝為白面生夕建交
龍旂繁星麗七首匹馬穹廬馳蕭蕭玉門關胡
船不敢吹靈鵲化金印紫綬腰間垂天子封公
侯舉氏稱男兒嗟嗟楊子雲骨若柔桑枝不能
一鷄縛焉能斬郅支竒書滿腹中不值修文時
白首太玄經命也復何為

其三

千金兩吳鉤秋水為銘鋒人血釁其上寶鏑明
芙蓉割魚千萬鱗不能屠一龍屠龍豈不能惜
哉委塵埃折薪刈青松棄置良足哀一旦成消
折不能斷青苔英雄困平世伊管迺凡才

贈翟文

君懷一片心

安得有

胡越雙鐔此

諾朱

家非大俠我昔

重丞

相非重幕中人今

仁君

重意氣不改平生親悠悠

興陳

贈曾慶兆文學

松蘿非一木纏綿枝與葉膠漆非一物其性乃
固結氣味苟無間安問秦與越君家楚雲夢我
家吳滄洲相去數千里邈馬風馬牛一朝燕市

傍邈近心相投同上蘇秦書忤時不見收君有
青驪駒我有黑貂裘持之贈酒人五斗結綢繆
知心傾蓋間奚必在白頭

志哀寄吳氏

翻翻枝間雀譙譙委道傷上
蟻傷仁者過其側

下為螻
黃金花五

內皆馨香瘡痕

朝棲主人

門夕宿主人

以報主人一朝

嬰世難主人歸黃塵徘徊空反問肝腸多苦辛

擾擾行路子此情安可陳

冬日齋居奉懷文待詔先生

清晨麗高楹涼飈汎踈箔冰砌青苔委霜枝朱
果落餒禽喧場稼寒颺竄樊籜懷人瞻停雲散
帙倚飛閣太史秉孤標清蹤照林壑牛駕欣扳
耳馬署寧淹朔魚焚栢情怡柳苑陶衷樂龍門
沓霞軒燕寢敞風幕庭梧涼陰茂瑤磬清音作
踈眉秀紫芝臞形同白鶴金石振芳藻圖綵表
高托嗟余夙欽尚幸矣厠酬酢覲止逢秋英淒
其感冬萼流光隙駒駛遐軌風牛邈羽稀霜空
寥鱗潛水澤涸晤言要青陽松舟慰暎索

屠隆

感懷

曠望三神山仙人白玉堂海風吹桂樹洞門瑤
草長我欲徃從之波濤日茫茫彷彿安期生惜
哉川無梁

雜感

輕薄誰家子風采何翩翩挾彈出章臺賣珠入

長安手把珊瑚玦頭戴鷓鴣冠身騎紫騮馬足
踏黃金鞍嫣然向人咲能得世人憐沽酒朱樓
上高譎大路邊朝從博徒飲莫向娼家眠行樂
度年光詩書豈足觀心賤楊子雲守拙草太玄
容華一朝改憔悴蓬蒿間

塞下曲

昨得征人書歷歷見懷抱但愁虜不滅不惜朱
顏老丈夫守邊垂安得顧情好生當萬戶侯死
當埋沙草

登天馬山

登高望吳會送目於朝陽空樓出烟霧大湖浸
蒼茫紅泉瀉岩穴綠草緣修岡溪明遊魚出竹
暗啼鳥藏獨行寡儔侶心清情境忘酌醴烹野
葵逍遙步雲房水風動高韻山花遞幽香延賞
不能去年華感盈觴春陽不一睇倏忽零秋霜

雜懷

仲冬涉淮水千里莽無色沙飛原阪長雲起關
河黑日暮懷佳人沉慮及永夕不辭風塵苦所

嗟道路隔采芝山雪深欲寄何由得

王太學百穀

把臂交昔賢王君何嶽嶽既窮三耳辨復折五
鹿角人巧奪天工綺績紛相錯伸紙吐妙詞一
一芙蓉萼早挂世上名晚眷丘中樂斯人真吾
徒遺容賁林壑

歐博士楨伯

博士起南海珊瑚照若木摘英爛春華居然守
其樸蚤歲游上都日暮返初服敦義重交情題

詩遠相勗微吟託涼風胡能繼芳躅

沈太史君典

休文擅麗藻文章並金石已抗青雲姿故有烟
霞癖近得靜者言力謝區中客夜檻石瀨鳴千
窓山翠滴偃仰得天倪當門長蘿薜一讀養生
篇紛拏日以息

胡坦

春日遊沃洲

乘春登沃洲逍遙豁胸臆瑰竒千萬峰宛宛夢

層歷靈境信足娛良辰亦復值由來古高士逃
名向此匿感沸泉千派輪囷雲五色林幻烟霞
姿崖含霜雪質相與譚勝會支許逝可惜齒齒
石門封蘿陰生晝寐

胡旦

長別離

別離難為情而况長別離君在天一涯曠然違
容儀長夜不能寐明月空入帷接君尺帛書不
如接履綦持書腸欲斷歸來無定期相思何時

已鏡中鬢欲絲

車大任

遠遊

遠遊復驅車崇岡險且僻解纜泛洪波海天相
浩激登高畏其蹶臨深畏其溺柰以千金軀等
之如瓦礫桑弧夙有盟丈夫圖顯績一朝謝林
莽四方恣涉歷瞻彼雲中鴻矯矯誰能擊回首
望瀟湘白雲匪遐逝

梅鼎祚

與龍河南

送子何所適所適河之陽俯視濁水流仰盼孤
鴻翔鴻飛厲其羽河水何湯湯我欲徃從之中
道苦無梁子當遠行遊余當返故鄉故鄉豈不
好念子行未央欲去以徘徊欲留復徬徨依依
岐路間擘衣心內傷

擬古

命駕遠行邁邁彼太行間雨雪淒以厲詰屈馬
不旋谿谷多悲風墟里少人烟虎豹跋我後熊
羆啼我前稍稍去徒侶獨立良亦難欲濟無輕
舟欲歸絕故轅失路將如何引領摧肺肝

秋懷

長夜何時旦起步庭南隅繁星依中天微霜霑
人裾蕭蕭嘉樹林朝榮夕為枯天風西北來哀
鴻與之俱感物再三歎搔首以踟躕四顧多悲
聲鳴琴聊自娛

張文柱

晚發真州

停車近河梁陳車遵廣路遲遲客行遠曖曖歲
云暮仰盼孤鴻征俯視流波沂山店耿寒燈風
林散輕霧徘徊問行人行人指前渡鄉雲望不
極感感損中素

李一鶴

遠別離贈婦

肅將謁上帝言為千里遊僕夫促征車去去難
久留杖劍出門去行行指燕幽方舟越洪波道
路一何修行當別故里淚下縱橫流旨酒盈金
壘對之不能酬家貧有慈親遊子多離憂願子
為尸饗晨昏具甘羞會合有常期譬彼春與秋
恩愛自終始百年結綢繆

袁懋謙

招隱詩

終南有修幹梢舊厓之端上枝摩蒼穹下枝拂
清湍中有葆光士短褐嗟無完薄言巢其顛孤
嘯何盤桓蓐收馭西陸商飈溲以寒俯矚遊空
鱗仰視凌風翰靈籟發虛隧皓魄出層巒曄曄

芳蘭花佩之當綺紈泠泠丹石溜服之瑩心肝
靜躁理有宜爵服情無干何哉齷齪子磬折忘
所歡

孫開

別錢仲美先生

結髮事君子附驥思長鳴君子揚輝光遭世垂
休名翳余多屯蹇積憂徒憤盈君為中天雲余
為末路塵雲泥遼以邈會合何時并生平故人
意願君居要津及至當乖違離憂難具陳昔也

參與昴今也參與辰安能假羽翼從君以遐征

鄧伯羔

詠古

寒暑有代謝秋風變華滋先民垂炯戒物壯老
已隨何如與天游弗受世網羈鹿裘行且歌往
從榮啓期斯人不我溝嗒焉念乖離

月夜尋良常山洞

秦始皇游此山顧侍臣曰自今以往良以為常

華月被春霄月寒山迳僻迢迢蘿歷層崖言訪烟
霞宅灌木出禽音深林動泉脉習習清風生脩

然吾自適携手問羨門往事君能晰祖龍一攀
殂良常安可得

明詩正聲卷之九

五言古詩九

廣陵

盧純學

選輯

江一夔

校閱

馬應乾

詠懷寄贈澮臯子

弱質寡歡悰秋風坐幽獨緬懷塵外遊屢厭區
中促萬事渺浮漚百年如轉轂寤寐烟霞人褰
衣事追逐飄飄澮臯子夙抱凌雲躅耆年拋郡
章歸來謝紛讙閉戶註老子潛心觀有欲示我

無言詮超然萬里足靜玩伯陽文閑理君平卜
亡機果相契玄詣在心曲

徐桂

社日同諸君子集汪司馬太函堂兼送潘

景升太學

子雲太玄經時人徒覆瓿執鞭齊晏嬰異代牛
馬走知音苟不存燕石抵瓊玖鍾期儻同時藏
書寧二酉嗟余遇夫子歲月聲華久摘藻蔚鸞
龍載籍窮蚪蚪僕命左丘明賓室漆園叟當代

一司馬千秋三不朽日予尠有聞末學慚膚受
嫫母逢夷光拂拭不知醜泰岱豈不蘄蜿蜒下
培塿一登君子堂傾蓋忻執手饗以琅玕飡接
以金玉友秋風正擊鮮夜雨還剪韭杯行迅不
留四座起相壽飲河已滿腹膝席不任酒為問
高陽生將無中聖否願言戒太康無歸且濡首
夜闌感征人停杯看北斗北斗漸闌干目極憂
心擣悲歡此一時吾將問烏有

孟華平

明言上卷之九
覃懷早蒞望濟源

睡起茅簷下秋風天欲曙孤館候鷄鳴客子衝
烟去零露衣裳寒山迳少人語極目莽蒼蒼靈
源復何處

楊承鯤

詠懷

晨登城東樓清嘯激素商俯見大江注仰視朝
日光丹霞麗海水繁陰結崇岡宵露霑未晞驚
飈吹已涼竚久情逾遠思欲一翱翔輕舉萬餘
里御風振衣裳願彼水中鯨汎瀾使心傷

其二

秋蓬美枝葉歲蕤多光爽會蒙雨露恩遂被天
池澤焜燿豈不麗托根非安宅素飈隨時起搖
蕩一何迫零落不自保在旦安見夕謝彼務華
子榮耀安可極

其三

蜉蝣生天地出沒自有時丈夫志宇宙咄咄誰
當知委身草莽間何用意氣竒仗劍而出門將

往赴京師迴風吹我襟舉首有餘悲虛名竟為
誤一去情自怡努力保肌膚重此遠別離

其四

朔風號枯樹摧折臨中野歲暮不待人霜露紛
已下躊躇望江介喟焉嘆孤寡紉蘭恐後時采
菊徒盈把悽愴內傷心涕淚誰能假

贈汪長文

昔余從杖屨未嘗須臾離酣歌達永夜欣賞及
良時如何一睽棄脫若三春移色咲蹙歎滅夢
想常見之暨春既及夏時序忽已淒商風振玉
樹素月鑑華池臨軒仰列宿行步何遲遲蟋蟀
鳴井幹鴛鴦宿文漪在物各有托我願豈獨違
願珍金石心俱保期與頤

君子有所思行

涼風飄飛觀寒氣候時蒺白露霑素蕤丹華漸
蕪沒客行何蕭條遠望日淒結懷君期三五圓
景忽已缺修路蔽崇岡精誠何由達蘭蓀自有
芳枿桂不改烈秉我中堅心要之期黃髮

汪禮約

過板障嶺

余本山中人與世亦殊調跡希河上隱事訪任
公釣每託雲水歡頗愜賞心要開春氣已和杖
策凌危嶠威夷一溪駛崩奔兩崖峭竹栢媚幽
戶春泉灑丹竈叢叢曉風起窸窣千花照山驚
翠濤涌雲殘海波耀攀蘿嵌絕壁據石發孤嘯
高天若可捫洞壑杳難眺耽遊爽經竒褰裳竟
烟熬從此駕輕鴻永謝世人誚

經大闌山懷劉仙伯常

冥鴻有竒羽清廟無遺音事往迹易闕感來念
已深伊人秉高尚脫屣謝朝簪巖扉入幽亢丹
壑窮歆嶽霧歛溟海白嵐巖山澗陰徘徊一溪
阻莽互千里岑日月任推薄歲事空蕭森古木
嘯哀猱野火生秋燐四顧獸寥廓不辨陌與畛
延賞興已極淒其難處心顧已慙獨往悵矣千
載人

沈自邠

寄題江季章園亭

淮海信靈異伊誰富丘壑達人秉高尚游心寄
寥廓疏館延緒飈平臺攬林薄石沼瀉秋濤巖
巒飛岉嶇草樹冪綺窓烟霞麗丹閣寂歷擬蓬
瀛昭曠俯江郭近矚控蒼垠遐觀入玄漠幽磗
山鳥鳴澄波文魚躍長日命觴竿良朋任斟酌
往勝夙所篤孤懷欣有托道路阻且脩無緣慰
躡屩行當栽薜蘿一赴千秋諾

柳應芳

詠懷

秋夜多悲懷徒履巡廣除涼月照中閨四壁吟
蟪蛄仰視天漢傾傷此年運徂吞舟困涸轍千
里局鹽車造物忌高明所苦非一途

其二

顧瞻非我國出入非我閭胡為久留此日月忽
已除感時涕淚下我親在離居啓處既不遑音
信邈以踈願得如匏瓜無知繫一隅不見別離
苦惟知故土娛

梅蕃祚

古意

明月何皎皎清光映曲房
愁人怨遙夜不寐起
徬徨惠風吹縞帶微露沾羅裳
所思在遠道幽意不能將
願為鴻與雁隨風以翱翔

黃之璧

別蘇子仁國博

為歡日苦難為別日苦易長
跼問帝鄉掩嘆雙垂淚
携手城東門晨風吹鞍轡
乾鵲噪寒條嚴霜奔良驥
越女自入宮顧影中不媚
志本報君息媼者反見媚
嗟哉上黨游往往無中駟

其二

曉星羅廣陌行子無停車
北望黃河水我腸同鬱紆
繾綣未及陳神留形不俱
世情甘自薄厚者誰復居
我心即君心交道終不虛

送郭舜舉司馬

夫君駕言邁載道車
鞿鞞相送不及遠含意
慘未陳豈無新知驩
念此同心人裴徊至河洲
曦

陽儵以淪奮身思握日天路邈無因安能振高
翮一舉摩青旻交道工徃古誼聲流千春中心
苟不移何必會合頻慨忼從此別携手要路津
葉太叔

端坐

端坐臨高樓愁思安可極我友輕別離棄我向
薊北今我失其羣長鳴振雙翼振翼將何為流
景忽以匿思欲求列仙三山杳莫測壽命既難
持鬱鬱何所適立言雖可申榮名在令德

孫朗

別伯氏

悠悠即長路離別從此辭良時各努力歡聚會
有期徘徊戀景光臨岐涕沾頤雖非遠行遊曠
然千里思白日下虞淵黯黯浮雲馳程途去有
盡書札來何時勉崇君子德令名以為期

其二

歲杪多烈風茫茫冬夜長瞻彼天漢星三五正
成行征夫起嚴駕脂車拭寒霜持觴未能酌道

語復不遑山川一為別千里徒相望安能假羽翼送子往俱翔

詠志

金陵佳麗地冠蓋多茲遊其中頗誼恩貴賤各有求挾瑟邀名侶束錦徵妙謳門外鳴玉珂歛吸擁連騶徘徊長樂宴痛飲方綢繆安知蓬蒿士掩戶經千秋

二

愚者日沉酣志士恒受飢羅綺盈他箱達者無完衣鷓鴣鳥縱橫翔鸞鳳無定栖展蹠膾人肝仲尼方見嗤身親不少稱滅歿當誰知所以周南客綿綿孤憤詞

張應文

游仙

朱輪耀四術飛薨羅道周在昔金與張冠蓋傾王侯奄忽北邙道松栢何颼颼陵茗知淒風江水知東流所以呼子先輕舉凌雲浮盧敖游太清長嘯一蟻丘

明言正聲 卷之九
登會稽山

蕭晨理桂權近矚停真賞疊巘青沉沉層雲白
莽莽日月互蔽虧烟霞幕塘嶙俯瞰城南陂澄
江大於掌溟漲淼欲空蓬壺若可往自非至人
游神眩目亦爽憩足盪喧囂開襟任偃仰磴絕
轂軫停林深猿狖響因茲遺物慮悠然縈深想

吳炤

宿凌虛閣

匡山有佳氣曉望信寥廓欣然命中車紆迴度

林薄入遠泉奔喧升高路岵嶸枯僧遙相迎邀
余坐虛閣紫藤拽短衣頽霞襯雙屩下界人烟
闕上方鍾磬作幽襟通杳冥清齋飽藜藿倚檻
發嘯歌明燈動斟酌南斗垂匏瓜九竒綻蓮萼
雲深鶴骨矐夜靜天語落高枕銀河流醉抱瑤
圃鶴起來捫白榆朝曦在丹壑恍若出世人長
生信可學

蕭譽

感遇

吾愛劉伯倫跌蕩無他嗜日與阮嵇流白眼看
世事持杯嘯竹林兀然傾一醉遐哉酒德篇是
非棄若置當時馳騫者誰知飲中意

懷周主事元孚

詞林挺斯人早歲已郎吏神龍不可馴遂令時
宰恚謫去復召還回天豈出位一疏犯乘輿
萬死投荒裔淪沒方見收孤憤久彌至抗章不
得報念之為心悸

王同軌

古詩

妖鬟充下陳歡愛已終席當御即為珍何暇論
容質豈無娥姣姿塵土無異覲方為梧臺觀安
顧陵陽泣世事咸若茲咄嗟其何及

其二

邀我中林士驅我下澤車何處寄遊矚晴郊惠
風初瓠脯佐玄酒盈觴莫留餘澤雉脫樊中靈
龜逃豫且盤樂自棄民禮法寧足拘鳥還輟亦
返歸卧幽貞廬

雨中西山九曲曉望同孫兆儒

飛磴負危亭雲東如壺嶺秋聲萬壑初曉色千
家冷路但有樵踪誰云在入境乘茲暝雨觀始
盡西山景謀醉酒轉醒耽遊氣何猛剔碑懷昔
賢千載猶延頸

倪光胤

建業作呈盧子明

大道久湮沒世路悲荆榛江東舊名邑寥寥竟
何人永和雅足尚大業不可陳頽風滿天地千
載俱沉淪嗟予抱微尚鬱結將誰伸緬懷陶靖
節斯人難等倫

擬古

歡娛苦既短別離愁太長故人與我違千里遙
相望浮雲起西北阻絕天一方幽懷耿無寐往
路終不忘四顧慘以戚淚下沾衣裳

有懷

高樓皎明月離離晨與參河漢清且淺悵望愁
難任獨宿不成寐長夜懷所親起來步前庭對

酒不能斟挾琴當戶理千載無知音盛年日就
衰別離日就深愁思結不解棄置且勿陳

張璵

別袁學貞

飛鳥鳴高枝白雲乘風翔淒淒行客子擔囊還
故鄉故鄉豈不歡同心復難忘携手重行行遠
望心內傷心傷不能已悲風動地起

江震祚

大廷尉陳公以詩見贈賦此奉謝

漢宮鬱嵯峩冠蓋羅九衢白日麗中天羣動爭
馳驅達士秉高曠行與班揚俱公餘弄文史大
雅追韶虞蒺藜振蘭馥玄暢開冥趨蕙心眷猥
賤遺我明月珠宛若秋雲映燁如春華敷枉眄
意何極自顧形神殊願言托終始千載俱不渝
何以報明德寸心抱區區

閨秀

從夫赴鴈門

董夫人

鴈門西近胡一片黃沙地烽火夜連天角聲入
雲際風月盡悲悽草木多憔悴况是逐臣妻那
能不洒淚

釋

戰城南

宗泐

進兵龍城南轉戰天山道烽烟漲平漠殺氣埋
荒徼將軍重爵位天子尚征討不辭鬪死多但

恨生男少

空城雀

啾啾空城雀戀戀空城曲朝傍空城飛暮向空
城宿草窩乳子成塿土翻身浴野田豈無黍太
倉豈無粟食粟遭網羅食黍傷箭鏃丁寧黃口
雛飲水懷止足歲暮雖苦飢全軀保微族

短歌行

白日去茫茫清川流浩浩有生能幾何少壯忽
復老王母蟠桃花萎紅不成好扶桑半摧枯枝
葉墮瀛島仙人王子喬兩鬢如秋草况聞安期
生形容亦枯槁漢武與秦皇一生空自擾短歌
詠至言庶以安懷抱

樵隱為江子瑜作

日出上山去日入負薪歸明月照茅屋涼風吹
薜衣濁醪在瓦缶大白兀自持嚶嚶春鳥鳴載
歌伐木詩不羨買臣貴不學牧犢悲軒車自高
駕野雉從朝飛平生一丘壑此志良弗違田實
門易軌不知誰是非

送瑄上人

揚舲下大江江寒欲飛雪高帆天際遙獨鴈雲
邊沒煙波渺何之倏忽成楚越遂令白首人年
華感消歇

趣上人蘿壁山房

夢觀

我懷雲林居夙在蘿壁下幽花落窓扉秋藤覆
櫺瓦重々 翠深中有忘機者壁觀坐來久風
骨更清泚聲沉萬境寂妄遣百慮舍何事支道
林區區猶愛馬

序芳園贈趙都諫

果斌

素毫結嚴霜玄豹隱深霧桃李媚春暉松柏飽
貞固名臣辭諫垣灌園得真趣亭列丹丘峰檻
倚滄洲樹竹籟響金風桂枝團玉露君子秉高
尚雅志追謝傅



中華書局
影印

